

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Danielle Marshall ([00:01:13](#)):

Qhov Txais Nyiaj Pab rau cov Txom Nyem Nyiaj Txiag (Economic Injury Disaster Loan), kuj hu ua EIDL thiab. Tuas no yuav qhia ib co ntaub ntawv xov xwm rau nej. Kuv yuav yog tus coj kev hnuv no. Kuv kuj muaj ib tug pab tswv yim tshwj xeeb ntawm no thiab. Nws yog ib tug kws txuj hais txog kev teev nyiaj txiag thiab nws paub ntau yam txog tej no thiab yuav qhia tau tswv yim rau nej. Hnuv no peb yuav hais txog tej ntaub ntawv xov xwm raws li no, peb yuav hais me ntsis txog txoj Cai CARES thiab qhia me ntsis saib txoj cai ntawm yog dab tsi. Vim cov nyiaj pab uas peb yuav hais txog yeej los ntawm txoj cai ntawd. Tsis tas li ntawd, peb yuav hais txog EIDL me ntsis, hais dav txog txhua qhov, thiab hais txog lub Txheej Xwm Tiv Thaiv Nyiaj Khwv Los (Paycheck Protection Program) los sis PPP. Peb yuav hais txog txoj kev siv cov nyiaj pab, saib yuav ua li cas siv thiab saib yog vim li cas thiaj siv li ntawd. Ces Rue mam li qhia tswv yim hais txog txoj kev teev nyiaj txiag, saib tseem ceeb npaum li cas kom ceev tej ntaub ntawv nyiaj txiag kom zoo, thiab kev npaj rau cov nyiaj pab uas tseem yuav txais tau yav tom ntej. Txoj Cai CARES los sis txoj Cai Pab Nyiaj Kom Daws Kev Txom Nyem thiab Tiv Thaiv Nyiaj Khwv Los (Coronavirus Aid, Relief, and Economic Security Act), yog Pawg Tsim Cai pom zoo rau thaum lub Peb Hlis Ntuj hnuv tim 27.

Danielle Marshall ([00:02:31](#)):

Yog 2 trillion daus laus ua tej kev pab daws kev txom nyem uas muab xa mus rau cov pej xeem vim yog Trump pawg thawj tswj hwm txoj kev xav tiv thaiv cov pej xeem Mis Kas los ntawm COVID. Txoj Cai CARES yeej muab kev pab nyiaj txiag rau Mis Kas cov neeg ua hauj lwm, tej tsev neeg, tej tsev lag luam me yam ceev ceev li kom thiaj tiv thaiv tej dej tej num rau Mis Kas cov kev ua lag luam tsim khoom. Txoj Cai CARES yeej muaj ntau yam nyob haud. Txawm yog li ntawd los, hnuv no peb yuav hais txog tej yam uas tsom ntsoov cov tswv ua lag luam me. Plaub qho kev txhawj xeeb tseem ceeb tshaj rau cov tswv ua lag luam me los yog tej yam tseem ceeb rau cov tswv ua lag luam, raws li txoj Cai CARES, yog qhov uas tsim lub Txheej Xwm Tiv Thaiv Nyiaj Khwv Los. Yeej muaj tej kev pab kev xwm txheej rau cov tsev lag luam uas thov kom tau kev pab daws kev txom nyem. EIDL yog ib txoj kev pab nyiaj thiab kuj yog ib qho kev txais nyiaj rau cov neeg uas xav tau. Yeej muaj nyiaj ntxiv rau cov tsev lag luam thiab tej txheej xwm kawm ntawv. Muaj cib fim, twb yog nyob ntawm qhov chaw pab cov poj niam ua lag luam no, uas peb yuav ua tib zoo muab ntaub ntawv xov xwm ntxiv thiab nrog nej sib sab laj tim ntsej tim muag, uas yog qhov uas Sophia hais txog.

Danielle Marshall ([00:03:39](#)):

Tsis tas li ntawd xwb, yog tias yuav tsum ua li no, yeej muaj tej tshooj lus teev cia uas xooob me ntsis rau txoj kev ua ntaub ntawv Tshooj 11 qhia tias tsis muaj nyiaj tag. Txawm yog li ntawd peb cia siab tias peb yuav pab tau nej tseem ua lag luam tau, twb yog pab nej tig mus ua lag luam ib nyuag txawv qhov uas nej ua tam sim no los yog muag lwm yam txawv saib ua li ntawd puas pab tau. Lub Txheej Xwm Tiv Thaiv Nyiaj Khwv Los, qhov kev pab no muaj rau cov tsev ua lag luam me, los sis twb muaj rau cov tsev ua lag luam uas muaj 500 leej neeg ua hauj lwm rov haud thiab uas ua raws li lub rooj tsav xwm SBA tej tshooj lus teev cia. Tej tsev noj mov, tej tsev so, los sis tej tsev ua lag luam uas ua raws li txoj kev cai NAICS, uas yog Teb Chaws Amelikas Sab Qaum Teb tus Txheej Txheem Teev tej Kev Ua Lag Luam (North American Industry Classification System), tej no tau lus tso cai kom dav me ntsis. Tiam sis lub tswv yim, yog kom pab tag nrho cov tsev ua lag luam uas muaj 500 leej neeg ua hauj lwm rov haud. Cov tsev ua lag luam uas yog neeg Khab Mis Kas ua yeej tsim nyog txais kev pab, thiab cov tsev ua lag luam uas tsis tsam paj yeej tsim nyog thiab. Ib qho 501(c)(3) ... Thov txim, ib qho 501(c)(19), cov koom haum pab cov qub tub rog yeej tsim nyog txais kev pab thiab yeej muaj kev pab rau cov tsev ua lag luam 501(c)(3) uas tsis tsam paj. Nej yuav tsum to taub hais tias tej tsev ua lag luam uas tsis tsam paj nyias muaj nyias tus txheej

**PPP Piv rau EIDL**  
**Yog Danielle Marshall thiab Rue Gumunyu Hais Txog**

txheem sib txawv. Muaj (c)(6) 12 tawm yam ntxiv uas tsis suav hauv txoj kev pab nyiaj zaum no rau txoj kev pab no. Cov tsev ua lag luam franchise uas muaj 500 leej neeg ua hauj lwm rov haud tsim nyog txais kev pab los yog tau tsim nyog txais kev pab.

Danielle Marshall ([00:05:11](#)):

Tsis tas li ntawd, yog tias nej yog ib tug tswv ua lag luam nej ib leeg xwb, ib tug kws txuj uas ua hauj lwm ywj siab, ib tug neeg ua hauj lwm raws li lub siab xav, los sis ua hauj lwm rau yus tus kheej, nej kuj tsim nyog txais lub Txheej Xwm Tiv Thaiv Nyiaj Khwv Los thiab. Muaj dua ib lub txheej xwm hu ua Tseem Fwv Teb Chaws Pob Nyiaj Pab cov Neeg Poob Hauj Lwm Vim Raug Phaum Mob. Li ntawd yeej yog ib qho uas yus yeem ua ntawv tau thiab txais lus pom zoo rau ob qho tib si, rau Tseem Fwv Teb Chaws Pob Nyiaj Pab cov Neeg Poob Hauj Lwm Vim Raug Phaum Mob thiab qhov PPP tib si. Tiam sis lub sij hawm uas yus txais kev pab los ntawm ob lub txheej xwm no txwv tsis pub ua tib lub sij hawm. Yog tias nej tau lus pom zoo thiab txais tau kev pab li no txawm tias yog los ntawm qhov PPP los yog lub Txheej Xwm Tiv Thaiv Nyiaj Khwv Los, cov nqi uas raug rau kev them nyiaj rau cov neeg ua hauj lwm txog ntawm \$100,000 rau ib tug neeg ua hauj lwm, cov paj them nqi tsev nyob, nqi xaub tsev thiab nqi fais fab, tej no yeej zam tau tag nrho. Saib yuav zam hov ntau nyob ntawm saib nej puas tseem ntiav tag nrho nej cov neeg ua hauj lwm thaum lub sij hawm uas duav nqi no thiab saib nej teev ntaub ntawv li cas. Kuv tos tsis tau Rue qhia nej tej xov xwm hais txog tej kev teev ntaub ntawv ntawd. Tiam sis qhov ntawd yeej tseem ceeb heev. Lub txheej xwm PPP xub muab tso tawm thaum lub Peb Hlis Ntuj, thiab tom qab ntawd thaum lub Plaub Hlis Ntuj hnuv tim 24, 2020, tau muab tso tawm dua ib zaug ntxiv. Muaj lub sij hawm tso nyiaj ntxiv zaum ob no vim peb paub hais tias cov tsev ua lag luam me xav tau qhov kev pab ntawd tiag tiag.

Danielle Marshall ([00:06:39](#)):

Pob nyiaj uas muab txais rau thawj pawg neeg mus ceev ceev. Lawv cov no tsim nyog txais ... Cov nyiaj PPP pab txais rau cov neeg no yog rau \$10 lab los sis 2.5 npaug cov nyiaj uas nej them rau nej cov neeg ua hauj lwm. Ib zaug ntxiv, qhov no suav qhov uas nej muaj neeg ua hauj lwm, los yog tias nej ua hauj lwm nej tus kheej los yog ib tug neeg uas ua hauj lwm rau ib ntus los yog ywj siab, los yog ib tug tswv ua lag luam nej ib leeg xwb. 100% ntawm qhov txais nyiaj pab PPP no, yog tias nej tau lus pom zoo rau thiab tau txais, ces zam txim pub tau yog tias nej uas raws li tej tshooj lus teev cia uas teem tseg. Thaum xub thawj, yog yim lub lis piam uas 75% ntawm cov nyiaj pab yuav tsum tau siv them nej cov neeg ua hauj lwm. Ces tom qab them ntawd tas, 25% yus muab siv tau them lwm cov nqi. Tsis kav, thaum txoj Cai Flexibility Act tau lus pom zoo rau, lawv muab lub sij hawm ntawd txuas ntxiv mus txog 24 lub lis piam siv cov nyiaj pab. Es 60% ntawm cov nyiaj pab ntawd yuav tsum siv them nej cov neeg ua hauj lwm ho 40% yuav muab siv them lwm yam nqi uas pom zoo rau. Lub sij hawm uas nej siv yuav nyob ntawm, ib, saib nej tau txais cov nyiaj pab uas tau txais rau nej. Nej tau txais cov nyiaj pab txais rau nej thaum twg, ces lub sij hawm ntawd yog thaum lub sij hawm yim lub lis piam los yog 24 lub lis piam yuav pib. Hnuv no tom qab qhov webinar no peb xav muab ntaub ntawv xov xwm faib rau nej uas raug rau nej tej kev xav tau.

Danielle Marshall ([00:08:15](#)):

Nej thov kom tau, twb yog yeem ua ntawv kom tau ob qho kev txais nyiaj pab PPP thiab EIDL tib si. Qhov no txhais tau hais tias nej txais tau ob qho kev pab no rau nej tej kev ua lag luam kom pab nej khiav hauj lwm tom ntej mus. Tsuas tshuav qhov uas hais tias, tej nqi uas pom zoo rau yuav tsum tsis yog tib co nqi uas duav thaum tib lub sij hawm. Qhov no txhais tau hais tias, piv txwv hais tias yog nej siv 75% ntawm qhov nyiaj pab PPP uas txais rau nej lawm kom them nyiaj rau nej cov neeg ua hauj lwm, nej yuav tsis siv

**PPP Piv rau EIDL**  
**Yog Danielle Marshall thiab Rue Gumunyu Hais Txog**

cov nyiaj pab los ntawm qhov EIDL uas muab txais rau nej thaum tib lub sij hawm yim lub lis piam ntawd. Tiam sis qhov no tsis txhais hais tias txwv tsis pub siv lwm cov nyiaj pab no rau tej nqi thiab tej nyiaj them rau nej cov neeg ua hauj lwm uas pom zoo rau. Cov ntawv thov kom txais tau nyiaj PPP yog ua dhau ntawm ib lub tsev txais nyiaj twg uas SBA pom zoo txais nyiaj rau tib neeg raws li txoj kev cai 7(a). Ib zaug ntxiv, lub qhov rooj ntawd twb kaw lawm. Lawv tsis txais cov ntawv thov kom tau kev pab ntawd ntxiv li lawm. Txawm yog li ntawd los, qhov EIDL, nej tseem thov kom tau txais lus pom zoo txais rau nej. Qhov ntawd yog qhov nyiaj pub los yog qhov nyiaj tso tawm uas yog \$1,000 rau ib tug neeg ua hauj lwm mus txog \$10,000. Los sis ib zaug ntxiv, yog tias nej ua hauj lwm rau nej tus kheej, ua hauj lwm ywj siab, los yog ib tug tswv ua lag luam nej ib leeg xwb, nej yuav txais tau \$1,000 thaum xub thawj, ces tom qab ntawd yuav txais tau cov nyiaj uas muab txais rau nej thiab. Qhov me me ntawd yog qhov uas zam tau ntawm qhov EIDL. Cov nyiaj uas muab txais rau nej uas them rov qab rau 30 xyoo, zam tsis tau li.

Danielle Marshall ([00:09:39](#)):

Ib zaug ntxiv, kuv tsuas xav hais meej meej txog txoj kev siv cov nyiaj pab PPP raws li qhov pom zoo rau. Cov nyiaj uas muab txais rau nej ntawd yuav zam tau tag nrho yog tias nej muab cov nyiaj ntawd siv kom them nej cov neeg ua hauj lwm, them nqi paj rau tej nqi tsev, nqi xaub tsev thiab nqi fais fab thiab roj thiab tej zaum tej nqi siab them txhua hli (high subscription). Tiam sis qhov tsawg kawg nkaus 60% ntawm qhov nyiaj txais uas zam tau yuav tsum yog siv them nyiaj rau nej cov neeg ua hauj lwm. Nim no peb yuav hais me ntsis txog qhov Txais Nyiaj Pab rau cov Txom Nyem Nyiaj Txiag (Economic Injury Disaster Loan) los sis qhov EIDL. Cov nyiaj pab uas txais rau cov neeg xav tau pab cov tsev ua lag luam me thiab cov koom haum uas tsis tsam paj uas tseem tab tom poob nyiaj khwv los. Peb tseem tab tom txais cov ntawv thov kom tau kev pab no. Ib yam li kuv hais puag tas, muaj ib qho nyiaj pub pab uas txais tau ua ntej thiab ib qho nyiaj pab uas txais rau cov neeg xav tau. Yog tias nej tus twg xav tau kev pab ua ntawv kom tiav, thov hais rau peb paub. Peb kuj xav pab qhia kev rau nej. Qhov thib ob, uas txawv qhov PPP, lwm cov koom haum uas tsis tsam paj tsim nyog txais cov nyiaj pab EIDL no. Yog tias nej yog ib lub koom haum 501(c)(6), uas muaj qhov uas yog tias tib neeg muab khoom pub rau nej lub koom haum nej luv nqi se los tau, nej txais tau kev pab los ntawm lub txheej xwm no.

Danielle Marshall ([00:11:06](#)):

Qhov nyiaj pab EIDL yog rau cov tsev ua lag luam me thiab cov lag luam ub liaj ua teb hauv tag nrho Teb Chaws Amelikas cov Xeev thiab thaj chaw uas tsim nyog tam sim no thov kom tau nyiaj txais uas them nqi paj qis vim yog phaum mob coronavirus. Cov lag luam ua liaj ua teb loj uas muaj 500 leej neeg ua hauj lwm rov haud kuj tsim nyog txais thiab vim yog Pawg Tsim Kev Cai tso cai dav dua vim yog phaum mob COVID-19. Feem ntau, rau cov lag luam ua liaj ua teb, lawv yuav thov Teb Chaws Amelikas lub Rooj Tsav Xwm Saib Xyuas Kev Ua Liaj Ua Teb kom tau kev pab, tiam sis lub rooj tsav xwm SBA kuj muaj cib fim kom tau kev pab thiab. Ib yam ntxiv uas kuv xav kom nej to taub zoo yog qhov uas yeej zoo uas nej tsim nyog txais qhov nyiaj pab EIDL raws li lub hauv paus tshooj lus teev cia. Tiam sis nej yuav tsum muaj ntaub ntawv nyiaj txiag uas qhia tias nej tab tom raug txom nyem nyiaj txiag vim yog phaum mob COVID. Ib lub sij hawm twg txij thaum, raws li kuv xav yog lub Ob Hlis Ntuj hnuv tim 15, thiab Rue, qhia kuv yog tias kuv hais yuam kev, mus txog thaum tej tshooj lus teev cia hloov. Tiam sis nej yuav tsum qhia tau hais tias nej raug txom nyem nyiaj txiag kom thiaj tsim nyog txais kev pab los ntawm tej txheej xwm no. Qhov no txhais tau hais tias nej muag khoom tsis poob ntau npaum li qub, los yog nej yuav tsum muab nej lub lag luam kaw rau ib ntus.

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Danielle Marshall ([00:12:26](#)):

Tej zaum nej yuav tsum ntiav neeg ua hauj lwm ntxiv vim yog nej qhov khoom los yog qhov kev ua hauj lwm pab, tej zaum tib neeg xav yuav qhov uas nej muaj ntau dua. Yeej muaj ntau yam. Ib zaug ntxiv, yog tias nej muaj lus dab tsi nug, peb xav teb cov lus nug ntawd thiab pab nej txiav txim siab zoo hais txog tej txheej xwm no los yog siv nyiaj los ntawm tej txheej xwm no. Thov to taub zoo hais tias txhua yam uas nej sau rau cov ntawv thov kom tau kev pab ntawd yog nej lav hais tias muaj tseeb. Nej lav hais tias tag nrho tej ntaub ntawv xov xwm uas nej sau rau hauv muaj tseeb tiag. Yeej zoo ib yam li qhov uas nej lav lus tom xam, es yog tias yuam cai hais lus cuav ces yeej muaj txim. Peb xav kom nej muaj tej ntaub ntawv xov xwm zoo txaus kom txiav txim siab zoo txog nej txoj kev ua lag luam. Yeej muaj tej nqi uas pom zoo duav rau EIDL, thiab uas yuav siv kom duav tej nqi niaj hnuv khiav hauj lwm feem ntau. Ib yam li tej kev pab duav nqi kho mob rau nej tus kheej thiab nej cov neeg ua hauj lwm, nqi xaub tsev, nqi fais fab nqi roj, thiab tej kev them nqi tshuav uas tsis hloov txhua hli. Tej zaum nej yuav tsum tau hloov mus ua hauj lwm nyob lwm qhov chaw uas tsis yog nej lub hoob kas thiab tej zaum nej yuav tsum tau yuav tshuab khoom ntxiv vim yog li ntawd.

Danielle Marshall ([00:13:38](#)):

Los yog tias nej yuav tsum tau ua ntau dua hauv Internet, los yog hloov nej qhov Wi-Fi, los yog tej yam zoo li ntawd, los yog tias nej yuav tsum tau ua li ntawd rau nej cov neeg ua hauj lwm thiab. Xav kom nej to taub hais tias nej siv tau cov nyiaj pab no rau tag nrho tej no txhua yam. Tsuas yog tias nej yuav tsum teev tej yam ntawd zoo tseg rau hauv ntawv xwb. Ib qho ntxiv uas kuv xav kom nej to taub zoo, thiab kuv xav tias Rue yuav hais txuas ntxiv mus ib pliag saum no, yog qhov uas yog tias nej txais lus pom zoo rau thiab txais tau nyiaj pab rau nej, txawm yog ib lub txheej xwm ntawm ob lub txheej xwm no, txawm yog qhov PPP los yog qhov EIDL, yeej tseem ceeb heev uas nej muaj ib qho av khauj ntawm tsev cia nyiaj rau ib qho, nyias muaj nyias ib qho av khauj tsis muab sib xyaws hlo li. Qhov ntawd txhais tau hais tias, tej zaum nej muaj ib tug av khauj rau cov nqi ua lag luam uas teev tag nrho cov nyiaj uas nej txais los thiab them mus. Rau qhov PPP kom paub tseeb hais tias nej txais tau lus pom zoo kom zam qhov txais nyiaj pab thiab kom tau qhov nyiaj pub ntawm EIDL, thiab kom paub tseeb hais tias nej siv cov nyiaj pab EIDL rau tej yam uas pom zoo rau, nej yuav tsum ua tib zoo ua kom cov nyiaj ntawd tsis txhob sib xyaws.

Danielle Marshall ([00:14:44](#)):

Nej yuav sau tshev los yog siv ib daim khoj debit los sis credit los ntawm lwm cov av khauj ua lag luam kom paub tseeb hais tias cov nyiaj pab uas txais los ntawm tseem fwm tsis xyaws nrog lwm cov nyiaj khwv los. Yog tias nej muaj lwm yam ntaub ntawv xov xwm txog qhov ntawd, peb yeej los xav kom nej to taub tej ntawd thiab. Hais li ntawd, kuv mam li cia Rue hais lus rau nej. Nws yuav hais lus txog txoj kev teev tej nqi rau qhov PPP thiab qhov EIDL.

Rue Gumunyu ([00:15:19](#)):

Li ntawd. Danielle, ua tsaug rau tej xov xwm ntawd. Kuv zoo siab nyob ntawm no. Kuv cia siab tias nej hnov tau kuv zoo. Qhia kuv yog tias muaj teeb meem hnov tsis tau kuv. Hnuv no peb, kuv xav qhia kuv tus kheej rau nej. Kuv lub npe hu ua Rue Gumunyu. Kuv yog ib tug kws txuj uas pab ntaus tswv yim hais txog kev teev nyiaj txiag thiab them nqi se rau cov tsev ua lag luam me thiab. Hnuv no, kuv xav tuaj xyuas nej thiab pab nej zoo siab rau nej txoj kev ua lag luam. Tsis tas li ntawd xwb, kom nej to taub hais tais tej nyiaj pab PPP, EIDL, los yog tej nyiaj pab uas txais rau nej rau nej rau nej tej lag luam tam sim no, nej yuav tsum teev tej yam 100%. Thaum nej txais tau nej qhov nyiaj pab PPP uas muab txais rau nej, nej qhov nyiaj pab ... Nej ib txhia twb tau txais cov nyiaj pab ntawd lawm. Yog tias nej tus twg tau ua ntawv

**PPP Piv rau EIDL**  
**Yog Danielle Marshall thiab Rue Gumunyu Hais Txog**

thov kom tau thiab tseem tos, yeej muaj qhov uas tsim nyog npaj rau lub sij hawm uas nej txais tau. Tsis tas li ntawd xwb, peb yuav hais txog qhov uas nej npaj tau kom txais qhov nyiaj pab thib ob ntawm pob nyiaj pab lub teb chaws kev ua lag luam ntxiv. Hnub no, kuv tsuas xav qhia nej hais tias txoj kev soj qab teev nej tej nqi ua lag luam tseem ceeb heev tiag tiag.

Rue Gumunyu ([00:16:37](#)):

Tos peb yuav tsum teev tag nrho peb cov nqi ua lag luam li no, twb yog cov nyiaj khwv los thiab, yog vim cov nyiaj mus los no feem ntau yuav zam tau tsis tas them rov qab. Piv txwv hais tias nej txais \$30,000 ua ib qho PPP txais rau nej, yog tias nej ua raws li qhov yog thiab ua raws li tej tshooj lus teev cia uas Danielle hais txog ua ntej no, xws li siv 60% them nyiaj rau nej cov neeg ua hauj lwm, ho 40% duav lwm yam nqi ua lag luam, ces cov nyiaj txais no yuav raug zam tau 100% tsis tas them rov qab. Tsis kav, kom tau zam li no tsis them rov qab, nej yuav tsum teev nej cov nqi ua lag luam tag nrho. Txoj kev teev nyiaj txiag yeej yog ib yam zoo kom paub tseeb hais tias nej yuav tau kev zam tsis tas them cov nyiaj pab no rov qab. Nyob rau daim slide tom ntej, kuv xav qhia nej txog tej ntaub ntawv xov xwm uas nej yuav tsum muab rau tseem fwv kom thiaj tsim nyog txais kev zam rau qhov nyiaj pab PPP txais rau nej es tsis tas them rov qab. Tsis tas li ntawd xwb, tej tswv yim uas nej siv tau tam sim no kom soj qab teev cov nyiaj txiag no zoo. Danielle, [hnov tsis tau tseeb 00:17:41]. Koj tau ua. Li ntawd. Peb twb hais txog lub hauv paus ntawm lub Txheej Xwm Tiv Thaiv Nyiaj Khwv Los. Hnub no kuv yuav hais ntxiv hais tias yog tias nej txais tau nej cov nyiaj pab PPP uas txais rau nej, kuv mas muaj lus nug ua ntej no hais tias, kuv yuav ua li cas xam tau saib kuv yuav them kuv tus kheej li cas [hnov tsis tau tseeb 00:18:09] kom thiaj duav cov nyiaj them rau kuv cov neeg ua hauj lwm?

Rue Gumunyu ([00:18:30](#)):

Tej zaum nej tsis them nej tus kheej ib qho W-2 los yog ib daim tshev them raws caij, tiam sis yog tias yog nej tus kheej nkaus xwb, ces yog tias nej txais \$10,000, 60% ntawm pob nyiaj ntawd yog \$6,000. Es nej yuav tsum them nej tus kheej li ntawd. Kuv xav qhia ib lub tswv yim rau nej, puag tas peb nrog Danielle hais txog lub tswv yim no. Qhov yooj yim tshaj plaws yog kom them nej tus kheej sau ib daim tshev xwb. Ua li no yuav muaj ntawv ua tim khawv hais tias nej them nej tus kheej ua ib tug neeg ua hauj lwm hauv nej lub lag luam. Muab ib daim tshev, sau rau nej tus kheej, hais tias nov yog them rau Rue Gumunyu rau \$2,000 los yog pes tsawg los tau. Tiam sis ua li no nej muaj ntawv ua tim khawv hais tias nej them li no. Yog tias nej muaj neeg ua hauj lwm rau nej, yuav yooj yim me ntsis vim tej zaum nej them nej cov neeg ua hauj lwm siv daim W-2 thiab nej muaj dua ib lub lag luam saib xyuas txoj kev them neeg ua hauj lwm li ntawd, los yog tej zaum nej saib xyuas txoj kev them nej cov neeg ua hauj lwm nej tus kheej. Txawm li cas los ua tib zoo paub tseeb hais tias txhua yam nej ua muaj ntawv ua tim khawv, ces muaj cov tw tshev, them nej tus kheej siv ib daim tshev. Ib txhia neeg xav kom txais tau lawv daim tshev ncaj qha tso hauv lawv qhov av khauj. Ua li ntawd los tau, tiam sis tej lub tsev cia nyiaj tsis teev tseg hais tias ua li ntawd yog ib txoj kev them rau neeg ua hauj lwm. Muaj ib qho av khauj sau tshev, ces yooj yim heev.

Rue Gumunyu ([00:19:49](#)):

Nej xaj tau ib tshev los ntawm lub tsev cia nyiaj thiab lawv yuav xa ib pob tshev tuaj rau nej lub tsev ua ntej 24 mus rau 48 teev tiav tas. Ces teev tseg rau hauv ntawv, teev rau hauv ntawv, teev rau hauv ntawv. Tsis li ces, yog tias nej tsis siv qhov 60% them nej cov neeg ua hauj lwm, tej zaum qhov nyiaj pab uas nej tau txais yuav tsis raug zam, los yog tej zaum yuav tsis txais ntau npaum li yuav txais tau. Nej ib txhia, yog tias nej tsis teev nej cov nqi raws li qhov zoo, tej zaum nej tseem yuav tau kev zam tsis them

**PPP Piv rau EIDL**  
**Yog Danielle Marshall thiab Rue Gumunyu Hais Txog**

rov qab ib feem. Qhov no txhais tau hais tias tej zaum nej yuav tsis tau kev zam 100% tsis tas them dab tsi rov qab. Kuv tsis paub txog nej, tiam sis hais txog kuv tus kheej, kuv xav tau kev zam 100% tsis tas them dab tsi rov qab. Yog tias nej xav li ntawd thiab, nej yuav tsum ua tib zoo kom tsis txhob ... Piv txwv hais tias nej txiav nej cov neeg ua hauj lwm puv sij hawm kom tsawg dua. Piv txwv hais tias nej muaj tsib leeg neeg ua hauj lwm thiab nej ntiab ob peb tug thaum lub sij hawm uas nej tau txais cov nyiaj pab, ces tej zaum nej yuav tsis tsim nyog tau kev zam 100% tsis tas them rov qab. Txawm li cas los xij, nej yuav tsum teev rau hauv ntawv. Qee zaum ... Peb tsis paub hais tias phaum mob no yuav ntev npaum li cas. Tej zaum Pawg Tsim Kev Cai yuav hloov tej kev cai lij choj txog tej no. Tiam sis hais txog qhov uas kuv hais no, kev cai hais tias, cov neeg txais nyiaj pab txiav tsis tau lawv cov neeg ua hauj lwm puv sij hawm kom tsawg dua. Saib nej muaj neeg ua hauj lwm pes tsawg, nov suav cov neeg uas ua hauj lwm ib yam li lawv yog neeg ua hauj lwm puv sij hawm.

Rue Gumunyu ([00:21:11](#)):

Qhov no hu ua FTE. Qhov no kuj suav tau cov neeg ua hauj lwm ib nrab sij hawm thiab. Yog tias nej xav tau kev zam 100% tsis tas them dab tsi rov qab, nej yuav tsis xav txiav nej cov neeg ua hauj lwm kom tsawg dua. Tsis tas li ntawd xwb, txwv tsis pub cov neeg txais nyiaj pab txiav cov nyiaj them rau cov neeg ua hauj lwm ntau dua 25% rau ib tug neeg ua hauj lwm twg uas khwv nyiaj los tsawg dua 100,000 txhua xyoo. Yog tias nej xav tau kev zam 100% tsis tas them dab tsi rov qab, nov yog tshooj lus teev cia. Txwv tsis pub txiav cov nyiaj them neeg ua hauj lwm ntau dua 25% rau ib tug neeg ua hauj lwm twg. Yog tias nej yuav tsum txiav cov nyiaj uas nej them nej tus kheej li no, ua tib zoo teev qhov ntawd tseg rau hauv ntawv thiab. Yog vim li cas nej txiav txim siab kom txiav cov nyiaj them neeg ua hauj lwm li no? Tej no yog ob peb yam uas nej ua tau kom paub tseeb hais tias qhov nyiaj pab uas nej txais yuav raug zam tag nrho es tsis tas them rov qab? Daim slide tom ntej. Li ntawd. Peb txuas mus tom ntej no. Rau qhov 60% uas hais txog lawm, nej them tau nyiaj hli, nej them tau nyiaj xuab moos, nej them tau nyiaj muag khoom poob los yog cov nyiaj tip mus txog \$100,000 rau ib tug neeg ua hauj lwm. Hais txog qhov kev txais nyiaj rau nej ntawd ua ke nrog qhov PPP, nej them tau tej nqi rau kev pov hwm duav nqi kho mob, ob peb hnub phav hauj lwm, thiab tej kev pab thaum so tsis ua hauj lwm. Yog tias muaj cov nyiaj uas npaj tseg kom them cov neeg ntiab tawm rau ib ntus, nej kuj siv tau cov nyiaj 60% duav qhov ntawd thiab. Nej kuj ... Kuv muaj lus nug. Yus them nqi se puas tau thiab?

Rue Gumunyu ([00:22:43](#)):

Yus siv qhov 60% them ib co nqi se, ib yam li cov nqi se ntawm lub xeev los sis lub nroog rau txoj kev them neeg ua hauj lwm puas tau? Tau kawg. Piv txwv hais tias, yog nej muaj cov nqi se rau txoj kev them neeg ua hauj lwm, nej siv tau ib feem ntawm qhov 60% uas hais txog kom them cov nqi se ntawm lub xeev los sis lub nroog rau txoj kev them neeg ua hauj lwm. Yog tias thaum kawg nej txiav neeg ua hauj lwm kom tsawg dua, piv txwv hais tias nej txoj kev ua lag luam khiav tsis zoo, tej zaum nej yuav tau kev zam cov nyiaj pab tag nrho tsis tas them rov qab yog tias nej rov qab ntiav cov neeg ua hauj lwm ntawd tom qab no. Piv txwv hais tias nej qhia ib tug neeg ua hauj lwm tias nej yuav rov qab ntiav nws tom qab no tiam sis nws ho tsis kam thiab nej nrhiav tsis tau ib tug neeg ua hauj lwm uas txawj npaum li tus qub los pauv nws qhov chaw, tej zaum nej tseem yuav tsim nyog txais kev zam cov nyiaj pab tsis tas them rov qab thiab. Yeej muaj tej kev cai thiab tej tshooj lus teev cia hais txog rov qab ntiav ib tug neeg ua hauj lwm qub thiab. Txam li cas los, ua tib zoo teev txhua yam tseg rau hauv ntawv. Ua li no suav cov ntawv ntiav los sis rov qab ntiav neeg ua hauj lwm, ua tib zoo teev tseg rau hauv ntawv. Vim 60% ntawm cov nyiaj pab txais rau nej no yog ib feem loj tsawv. Piv txwv hais tias nej txais tau \$100,000, 60%, yog tias nej tsis ua raws li tej tshooj lus teev cia los sis tej kev cai, tej zaum yuav zam tsis tau thiab thaum kawg

**PPP Piv rau EIDL**  
**Yog Danielle Marshall thiab Rue Gumunyu Hais Txog**

nej yuav tsum them rov qab rau tseem fwv tag nrho. Saib yuav ua li cas txais kev zam rau cov nyiaj pab PPP ua ib qho nyiaj pab pub.

Rue Gumunyu ([00:24:14](#)):

Txawm tias nej siv daim ntawv thov 3508EZ los sis daim Ntawv Thov Kev Zam cov Nyiaj Pab Tsis Them Rov Qab thas mas das (Loan Forgiveness Application), nej tseem yuav tsum sau ntawv hais txog nej lub luag hauj lwm txhua yam hauv nej qhov nyiaj pab PPP txais rau nej. Daim ntawv 3508EZ, nov yog rau cov lag luam uas tau txais qhov tsawg kawg nkaus \$100,000 rov haud ua qhov txais nyiaj rau lawv. Peb hais txog cov tswv tsev ua lag luam lawv ib leeg xwb los sis cov tswv tsev ua lag luam uas ua hauj lwm rau lawv tus kheej. Nej cov no yuav siv daim ntawv thov hu ua daim ntawv 3508EZ. Yog tias nej siv daim Ntawv Thov Kev Zam cov Nyiaj Pab Tsis Them Rov Qab thas mas das, daim ntawv ntawd muaj ntaub ntawv xov xwm ntau dua uas yuav tsum muab sau rau haud. Hais txog cov ntawv thov no, nej nrhiav tau daim ntawv no rau ntawm [sba.gov](#) los sis nej nrhiav tau rau ntawm lub tsev cia nyiaj uas txais nyiaj rau nej. Nej lub tsev cia nyiaj uas txais nyiaj rau nej yuav pab nej sau ntawv rau daim ntawv thov no. Nej yuav tsum teev tseg rau hauv ntawv thiab npaj nej lub lag luam qhov chaw nyob, thiab saib nej ntiav neeg ua hauj lwm pes tsawg leej. Qhov no tseem ceeb heev vim qhov uas nej tau kev zam tsis tas them cov nyiaj pab rov qab tag nrho nyob ntawm tej yam no. Nej tau muaj pes tsawg tus neeg ua hauj lwm?

Rue Gumunyu ([00:25:32](#)):

Nej muaj neeg ua hauj lwm pes tsawg thaum phaum mob pib thaum nej txais cov nyiaj pab PPP thiab nej muaj neeg ua hauj lwm pes tsawg thaum lub sij hawm 24 lis piam tiav tas thaum nej yeem ua ntawv thov kom tau cov nyiaj pab ntawd? Nej yuav tsum ua tib zoo paub tseeb hais tias tag nrho nej cov leb raug lawm. Vim txog txij no, tej tsev ua lag luam, tej yam uas muaj los yog, muaj tej tsev ua lag luam rov qab ntiav neeg ua hauj lwm thiab ib txhia neeg ua hauj lwm no tawm mus los sis tsis ua hauj lwm tiag thiab lawv tseem txais cov nyiaj los ntawm kev Pab cov Neeg Poob Hauj Lwm Vim Raug Phaum Mob. Nej yuav tsum ua tib zoo teev tseg tej no thiab. Nej kuj yuav tsum teev tseg nej tus naj npawb rau qhov nyiaj pab txais thiab. Nov, yog tias nej tsis nco qab nej tus naj npawb rau qhov nyiaj pab txais rau nej, nej tiv tauj tau lub tsev cia nyiaj uas txais cov nyiaj pab rau nej. Nov yuav pab nej vim lawv yuav nrhiav pom tau hais tias nej tau txais nyiaj pab pes tsawg lawm. Nej kuj yuav tsum npaj, es kuv siv sij hawm ntau qhia txog qhov no, npaj teev tseg rau hauv ntawv saib nej siv nyiaj pes tsawg thiab nej siv cov nyiaj ntawd yuav dab tsi.

Rue Gumunyu ([00:26:46](#)):

Tej yam qhia saib nej siv nyiaj ntau npaum li cas, nov, kuv yuav hais txog tej kev teev nyiaj txiag uas nej ua tau ua ib tug tswv tsev ua lag luam nej ib leeg xwb los yog ua ib tus tswv tsev ua lag luam uas ntiav neeg ua hauj lwm. Koj mus rau daim slide tom ntej tau. Tej zaum yog daim slide tom ntej. Li ntawd. Tseem tsis tau. Li ntawd. Tej yam qhia tias nej siv cov nyiaj pab yuav dab tsi. Tej zaum rov qab mus. Thov txim. Li ntawd. Tej yam qhia tias nej siv cov nyiaj pab ntau pes tsawg. Piv txwv hais tias, nej txais cov nyiaj pab \$10,000. Tam sim ntawd, thov to taub zoo hais tias 60% ntawm cov nyiaj ntawd yuav duav txoj kev them nyiaj rau nej cov neeg ua hauj lwm. Peb hais txog cov tsev lag luam uas xav kom tau kev zam cov nyiaj pab tsis tas them rov qab, qhov 60% yuav tsum siv them nyiaj rau cov neeg ua hauj lwm. Nej tau siv ntau npaum li cas thiab nej siv ua dab tsi? Peb teev tseg rau hauv ntawv qhov 60%. Nco qab ntsoov hais tias, peb hais tias nej sau tshev rau nej tus kheej, nej muab W-2 rau nej cov neeg ua hauj lwm los tau. Teev tseg rau hauv ntawv, teev tseg, teev tseg, thiab qhia saib nej siv cov nyiaj pab ntawd ua dab tsi. Qhov 40% ntawm cov nyiaj pab ntawd yuav duav nej cov nqi fais fab nqi roj tej. Peb hais txog

**PPP Piv rau EIDL**  
**Yog Danielle Marshall thiab Rue Gumunyu Hais Txog**

cov paj them rau nqi tsev los yog nqi xaub tsev, yog tias nej xaub ib lub tsev loj, nqi xaub, nqi fais fab nqi roj, We're talking about interest on mortgages or interest on lease, if you're leasing a building, rent, utilities, tej nqi siab them txhua hli.

Rue Gumunyu ([00:28:14](#)):

Kuv kuj tau muaj lus nug ib zaug thaum kuv hais tias, "Ua li no, kuv muaj neeg ua hauj lwm, tiam sis nim no lawv ua hauj lwm tom tsev xwb. Kuv yuav ua li cas paub tseeb, los sis kuv yuav ua li cas them rau lawv tej nqi fais fab?" Nov yog ib yam uas tseem tsis tau paub tseeb, tiam sis kuv xav tias Pawg Tsim Kev Cai yuav pom zoo rau tej kev them nqi fais fab no thaum kawg rau cov neeg ua hauj lwm hauv tsev yog tias nej rov qab them tej nqi fais fab no rau nej cov neeg ua hauj lwm. Txawm li cas los xij, nej yuav tsum teev rau hauv ntawv. Nej cov neeg ua hauj lwm siv fais fab hov ntau? Lawv siv xov tooj los yog roj los yog fais fab hov ntau? Ces teev tseg rau hauv ntawv, teev rau hauv ntawv. Yog tias nej cov neeg ua hauj lwm muab nqi fais fab rau nej hais tias, "Peb siv ntau npaum li no." Thov teev tseg rau hauv ntawv es peb kuj them lawv rov qab los tau thiab. Tsis kav, nej yuav tsum ua tib zoo teev nyiaj txiag kom qhia tau tej no, saib nej them nyiaj npaum li cas thiab saib nej siv nyiaj ua dab tsi. Ib yam li Danielle hais, nej muaj ob peb qho av khauj tom lub tsev cia nyiaj los tau. Niaj hnuv nim no qhib tau ib qho av khauj tom lub tsev cia nyiaj mas yooj yim heev. Nej qhib tau ib qho av khauj tom tsev cia nyiaj online xwv kom cov nyiaj pab uas koj tau txais rau EIDL, nej cov nyiaj pab PPP, nyias muaj nyias ib qho av khauj es nej thiaj teev tau nyiaj txiag thiab paub tias nej siv cov nyiaj ua dab tsi yooj yim dua.

Rue Gumunyu ([00:29:37](#)):

Xav txog txoj kev them se, tos peb xav muaj ob qho av khauj sib txawv yog, yog tias nej yuav tau kev zam tsis tas them rov qab rau \$10,000 uas nej txais tau lawm, cov nqi uas nej hais tias nej xav kom tseem fwv zam tsis tas them rov qab, nej yuav luv tsis tau them nej them se thaum lub xyoo tas. Ua tib zoo teev tag nrho cov nqi uas nej xav kom tau kev zam thiab teev lwm cov nqi uas nej yuav luv rau ntawm nej cov ntawv them se thaum lub xyoo tas. Ua tib zoo xav txog qhov ntawd. Daim slide tom ntej. Ntxiv rau daim Ntawv Thov Kev Zam rau qhov Nyiaj Pab Txais rau Nej, nej yuav ua ntawv hu ua Schedule A daim ntawv teev txog kev them neeg ua hauj lwm, ces W-2 rau nej cov neeg ua hauj lwm. Tej zaum lawv yuav hais kom nej muab cov tw tshev them neeg ua hauj lwm rau lawv saib. Cov tw tshev no kuj yog cov tshev uas nej sau them nej tus kheej thiab. Nim no, lub rooj tsav xwm SBA tsis tau hais tias lawv yuav ntsuam xyuas cov ntaub ntawv teev nyiaj txiag. Tiam sis kom paub tseeb nej muaj txhij txhua thiab npaj zoo, ua tib zoo teev txhua yam tseg rau hauv ntawv. Tsis tas li ntawd xwb, cov ntawv av khauj los ntawm lub tsev cia nyiaj, los yog lwm lub lag luam uas pab saib xyuas txoj kev them nyiaj rau nej cov neeg ua hauj lwm thiab npaj ntawv them se, yuav qhia tawm rau lub sij hawm uas qhov nyiaj pab duav.

Rue Gumunyu ([00:31:09](#)):

Nej yuav tsum npaj txhua yam kom thiaj muaj thaum yuav tsum qhia tawm rau luag saib. Hais txog qhov no, txhua yam uas nej ua siv cov nyiaj pab ntawd yuav yog qhia tawm rau lub koom haum IRS. Ua tib zoo kom muaj tag nrho nej cov ntaub ntawv xov xwm nyob ua ke. Twb yog tias nej them nej cov neeg ua hauj lwm nej tus kheej, cov ntaub ntawv teev txog kev them nyiaj rau cov neeg ua hauj lwm tseem ceeb heev kawg li. Twb yog thaum nej ua ntawv se them rau kev them nyiaj rau cov neeg ua hauj lwm los yog qhov uas qhia tawm saib tsam paj li cas thaum ua lag luam thiab them nyiaj rau cov neeg ua hauj lwm txhua peb lub hli, ua tib zoo teev tseg rau hauv ntawv. Hais txog qhov no, yog tias nej xav qhia tawm tseeb saib nej muaj neeg ua hauj lwm puv sij hawm pes tsawg leej, nej yuav tsum suav ntaub ntawv uas qhia tseeb hais txog saib tau muaj neeg ua hauj lwm pes tsawg leej nruab nrab ntawm lub Ob Hlis Ntuj



**PPP Piv rau EIDL**  
**Yog Danielle Marshall thiab Rue Gumunyu Hais Txog**

hnuv tim February 15, 2019 mus txog lub Rau Hli Ntuj 2019 thaum ntxov. Nej kuj muab ntaub ntawv xov xwm qhia saib nej muaj neeg ua hauj lwm puv sij hawm pes tsawg leej uas nej them nyiaj rau thaum nruab nrab ntawm lub Ib Hlis Ntuj hnuv tim 1, 2020 mus txog lub Ob Hlis Ntuj hnuv tim 29, 2020. Nov yog rau cov tsev ua lag luam uas muaj neeg ua hauj lwm puv sij hawm. Nov yuav pab nej thaum nej npaj tej ntaub ntawv xov xwm txog txoj kev them neeg hauj lwm yuav muab xa mus rau tseem fwv.

Rue Gumunyu ([00:32:39](#)):

Tej zaum nej yuav nug hais tias, "Ua nim no, Rue, kuv tsis muaj neeg ua hauj lwm hlo li, los sis kuv twb tau xa ntaub ntawv nyiaj txiag mus hais txog qhov 60%, tiam sis qhov 40% ne, yuav ua li cas?" Nco qab ntsoov hais tias, peb qhov piv txwv hais tias tau \$10,000 nyiaj txais, es twb tau 60% lawm, uas yog \$6,000 yuav them nej cov neeg ua hauj lwm. Es qhov \$4,000 ne, yuav siv li cas? Yuav muab ntaub ntawv xov xwm dab tsi xa mus rau tseem fwv? Kom paub tseeb hais tias tau them nyiaj rau tej nqi uas duav tau, tej zaum nej yuav [hnuv tsis tau tseeb 00:33:07] tej nqi uas tsis yog them neeg ua hauj lwm uas tsim nyog, nej yuav tsum muaj cov ntaub ntawv nyiaj txiag raws li nram qab no. Nej lub lag luam txoj kev them nqi paj rau nqi tsev qhov txais nyiaj yuav (mortgage), nov tsuas yog rau ib lub lag luam xwb. Nov tsis yog hais txog tej nqi paj them rau nej lub tsev nyob qhov txais nyiaj yuav. Nov yog rau nej lub lag luam nkaus xwb. Tsis kav, yog tias nej ua hauj lwm hauv tsev los yog khiav ib lub lag luam los ntawm nej lub tsev, nej xam tau tus nqi no nyob ntawm kev ntsuas fiv xwm fab xwm meem (square footage) thiab ntsuas saib nej siv hov ntau ntawm nej lub tsev rau nej lub lag luam. Nov yog hais txog cov nqi paj them rau qhov nyiaj txais (mortgage) rau nej lub lag luam. Nej kuj qhia tawm hais txog nej lub lag luam txoj kev them nqi xaub. Nej them tau nqi tsev xaub es suav rau hauv qhov nyiaj pab ntawd thiab. Yog tias nej xaub ib lub tsev los yog xaub ib lub hoob kas, nej siv tau ib feem ntawm qhov 40% kom them nqi tsev xaub rau nej lub lag luam. Nej kuj them rau tej nqi fais fab nqi roj tej thiab.

Rue Gumunyu ([00:34:11](#)):

Nej yuav tsum qhia hauv nej cov ntaub ntawv nyiaj txiag hais tias nej tau them nqi fais fab, nej tau them nqi roj los yog nej tau them nqi dej rau nej lub lag luam. Yuav tsum muaj ntaub ntawv teev txiag thiab nej lub lag luam qhov chaw nyob yuav tsum sau rau haud. Tsis li ces, tej zaum lawv yuav hais rau nej tias, "Ua nim no, peb pom zoo rau nej tsis tau txais qhov nyiaj pab uas yuav zam tau tag nrho tsis tas them rov qab." Ib yam li qhov uas kuv hais lawm, tej nqi fais fab nqi roj tej, lawv tseem sib tham txog tam sim no. Twb yog rau cov neeg ua hauj lwm uas ua hauj lwm hauv tsev, ua tib zoo teev tseg txhua tus nqi uas nej them kom muaj ntawv ua tim khawv. Kuv kuj xav hais ntxiv hais tias tam sim no, twb yog rau tej tsev ua lag luam ua lab noj mov, cov tsev ua lag luam zoo li no tsis muaj nqi fais fab, nqi roj tej hauv lawv lub cheeb tsam ua lag luam vim lawv raug kaw lawm. Yog tias nej ua lag luam ua ib lub lab noj mov, tej zaum nej yuav nqa mov mus rau nej cov neeg yuav noj los yog mus rau ib qho chaw es npaj mov rau lawv noj, es tej zaum nej tsav tsheb mus. Nim no, nej ho muaj nqi roj tsheb nqi tsav tsheb. Nim no lawv hais tias tej zaum lawv yuav suav tej nqi roj tsheb ntawd koom nrog tej nqi fais fab nqi roj tej. Tsuas yog xav kom nej paub li ntawd thiab. Thaum lub sij hawm muaj phaum mob no, cia li teev txhua yam tseg rau hauv ntawv, teev rau hauv ntawv, teev rau hauv ntawv ua tim khawv. Muaj lwm yam nej ua tau kom soj qab teev nej cov nyiaj khwv los thiab cov nyiaj them nqi mus, qhov yooj yim yog siv ib daim spreadsheet hauv Excel.

Rue Gumunyu ([00:35:47](#)):

Kuv xav hais tias txhua tus neeg paub siv Excel. Yog tias tsis paub, tsuas siv ib daim spreadsheet yooj yim hauv Excel, nej tso nej cov nyiaj khwv los haud, qhov nyiaj pab uas nej tau txais los ntawm qhov nyiaj

**PPP Piv rau EIDL**  
**Yog Danielle Marshall thiab Rue Gumunyu Hais Txog**

txais rau nej los yog qhov nyiaj pab pub, es nej mam li soj qab teev txhua tus nqi uas them los ntawm pob nyiaj ntawd. Ua li ntawd yooj yim dua. Los yog nej mam li siv kom soj qab teev saib nej them nej tus kheej npaum li cas. Ua li no thaum txog sij hawm ua ntawv thov kom tau kev zam cov nyiaj pab tsis tas them rov qab, nej twb npaj lawm. Hos muaj dua ib txoj kev teev, kuv hais, teev cov nyiaj txais thiab cov nqi yog hauv QuickBooks. QuickBooks yooj yim siv heev. Nej txuas tau Quickbooks rau nej cov av khauj tom lub tsev cia nyiaj thiab Quickbooks mam li soj qab teev nej tej nqi txhua yam, nyob haud. Thiab nej ua tau ntawv teev nyiaj txiag los ntawm Quickbooks yam yooj yim heev thiab. Ntxiv rau qhov no, yog tias nej sau npe yuav Quickbooks qhov uas them nqi txhua hli (subscription), ces nej luv tau tus nqi ntawd hauv nej cov ntawv them nqi se thaum lub xyoo tas. Nej luv tau tus nqi ntawd los ntawm nej cov nqi se. Tsis txhob ntshai kom soj qab teev nej tej nqi them ua lag luam. Yog tias nej muaj leej twg uas pab tau nej ua li ntawd, qhov ntawd yuav zoo kawg. Thaum nej ua ntawv thov tiav tas, nej yuav muab xa mus rau lub tsev cia nyiaj los sis qhov chaw pab uas txais nyiaj rau nej. Nov tsis yog dhau ntawm lub rooj tsav xwm SBA. Qhov ntawd nej mam li muab xa mus rau qhov chaw txais nyiaj rau nej. Ua tib zoo paub tseeb hais tias nej nrog qhov chaw txais nyiaj rau nej sib txuas lus tau.

Rue Gumunyu ([00:37:12](#)):

Nug lawv hais tias, Nej puas txais cov Ntawv Thov Kom Zam cov Nyiaj Pab Tsis Tas Them Rov Qab tam sim no? Lawv mam li teb hais tias, "Yog los mas, peb txais." Los yog, "Peb tsis txais." Tiam sis kuv qhia nej, yog tias nej twb tau txais cov nyiaj pab uas txais rau nej lawm, cia li pib xyuas daim ntawv thov, daim Ntawv Thov Kev Zam cov Nyiaj Pab thiab saib yuav tsum ua li cas, thiab saib puas muaj tej yam nej kho tau tam sim no, los yog pib soj qab teev tej yam ntawd tam sim no. Nej tsis xav tos mus txog thaum lig dhau lawm. Qhov kev soj qab teev PPP, kuv tau hais txog qhov ntawd ob peb feeb tas los no. Txawm hais tias nej yuav tsis muab ua ke nrog daim ntawv thov kom tau kev zam, nej yuav tsum ceev nej daim ntawv Schedule A cia ua ke nrog cov ntaub ntawv nyiaj txiag twg uas nej siv kom ua Ntawv Thov Kev Zam cov Nyiaj Pab Tsis Them Rov Qab. Tsis tas li ntawd, yeej yog ib lub tswv yim zoo kom muab cov nyiaj PPP cia hauv ib lub tsev cia nyiaj qhov av khauj txawv lwm cov av khauj. Kuv xav hais tiag tiag txog qhov no vim nej yuav muaj cov nyiaj pab PPP uas txais rau nej lawm, thiab tej zaum nej yuav txais cov nyiaj khwv tau los hauv tib qho av khauj rau nej lub lag luam, thiab nej yuav them nej cov neeg ua hauj lwm. Yog tias nej them lwm cov nqi uas tsis raug rau cov nyiaj pab PPP.

Rue Gumunyu ([00:38:34](#)):

Yog tias tag nrho tej no sib xyaws daws, yuav ua rau nej ntxhov siab lwm xyoo thaum nej sim npaj ntawv them se vim nej yuav tsis pab saib nej siv dab tsi rau qhov nyiaj pab PPP thiab yuav tau kev zam rau cov nqi twg thiab yuav luv tau cov nqi twg hauv cov ntawv them se? Ua kom nyias nyob nyias sib txawv. Nej yuav tsum paub tseeb nej muaj nyiaj npaum li cas siv kom them tau nej cov neeg ua hauj lwm thiab kom them lwm yam nqi. Qhov yooj yim tshaj plaws yog xam kom tau 60%, muab cia rau ib sab hais tias yog cia kom them neeg ua hauj lwm, ces qhov seem tshuav 40% yog rau lwm yam nqi uas tsis yog them cov neeg ua hauj lwm. Danielle, koj thib.

Danielle Marshall ([00:39:28](#)):

Ua tsaug ntau Rue rau cov xov xwm ntawd. Ua li, peb xav rov qab hais txog tej yam uas peb hais txog hnuv no, peb tau hais dav dav txog txoj Cai CARES, hais me me xwb qhia saib nws raug rau tej tsev lag luam me li cas. Peb hais me me txog qhov Txais Nyiaj Pab rau cov Txom Nyem Nyiaj Txiag, los sis EIDL, saib nej yuav siv tau cov nyiaj txais ntawd rau nej tej kev ua lag luam. Thiab hais tias, nyob ntawm tej tshooj lus teev cia, nej tau tsim nyog los yog yuav tsum tau tsim nyog txais qhov nyiaj pab PPP thiab EIDL

**PPP Piv rau EIDL**  
**Yog Danielle Marshall thiab Rue Gumunyu Hais Txog**

huv tib si. Peb hais txog lub Txheej Xwm Tiv Thaiv Nyiaj Khwv Los los yog PPP thiab hais meej meej kom nej to taub saib nej yuav siv cov nyiaj pab ntawd li cas thiaj zoo. Kuv paub hais tias muaj ob lub sij hawm sib txawv uas hais txog rau lub sij hawm uas lub txheej xwm no muaj feem. Ib txhia neeg muaj yim lub lis piam uas yuav tsum siv 75 and 25% ntawm cov nyiaj pab no rau tej yam uas teem tseg. Hos rau ib txhia neeg, yog tias nej txais tom qab, kuv xav hais lub Plaub Hlis Ntuj hnuv tim 20, nej muaj 24 lub lis piam siv. Lub sij hawm siv cov nyiaj pab no los yog paub tseeb nej siv cov nyiaj pab ntawd pib ntawm hnuv uas nej txais cov nyiaj pab, hnuv kiag uas txais cov nyiaj pab no rau nej kiag.

Danielle Marshall ([00:40:46](#)):

Yog tias nej muaj lus dab tsi nug, peb yuav zoo siab hais txog tej no dua piv rau nej txoj kev txais nyiaj pab. Peb hais txog txoj kev siv nyiaj tag nrho thiab saib nws raug rau nej li cas. Ib zaug ntxiv, nej yeem ua ntawv thov kom tau qhov nyiaj pab PPP tam sim no tsis tau. Qhov nyiaj pab ntawd yog dhau los ntawm cov tsev cia nyiaj. Lub txheej xwm ntawd twb kaw lawm, tiam sis qhov EIDL tseem muaj thov kom tau. Peb pab tau nej ua ntawv rau qhov ntawd kom nej thiaj tau lus pom zoo rau kom tau cov nyiaj pab ntawd ntxiv. Yog tias nej lub lag luam tau raug txom nyem nyiaj txiag thiab nej xav tau kev pab, peb yeej los xav pab nej kho tau qhov teeb meem ntawd. Rue tau hais txog tej tswv yim teev nyiaj txiag thiab ua kom paub tseeb hais tias nej soj qab teev txhua yam tseg rau hauv ntawv thiab hais txog tej yam nej yuav tsum teev tseg kom tau. Ib zaug ntxiv, kuv paub tias peb tau hais ntau zaus lawm, tiam sis tseem ceeb heev uas cov nyiaj pab txais rau nej lawm no nyias yuav tsum muaj nyias ib qho av khauj muab cia rau haud. Yog los mas, nej muaj tau ib qho av khauj rau EIDL cov nyiaj pab, hos nej muaj tau dua ib qho av khauj rau cov nyiaj pab PPP. Nej siv tau cov ntawv uas nej txais los ntawm lub tsev cia nyiaj kom saib nej cov nyiaj mus los zoo li cas. Yeej yog ib yam yooj yim nej ua tau kom soj qab teev tej yam nej ua.

Danielle Marshall ([00:41:58](#)):

Tsis kav, ib yam li Rue hais, yog tias nej siv tib qho av khauj tom lub tsev cia nyiaj rau nej cov nyiaj mus los txhua hnuv, qee zaum, twb vim yog qhov uas peb ua lag luam, peb siv cov khauj ntawm qhov av khoj ntawd. Nim no tej zaum nej siv daim khoj them nqi roj, los yog nej siv yuav su rau nej cov neeg ua hauj lwm los yog lwm yam, nej yuav xav paub tseeb hais tias nej suav tau tej nqi no yam meej meej li. Kom lub tsev cia nyiaj tsis ntxhov siab thiab tsis muaj lus dab tsi nug kom nej tau kev zam rau qhov nyiaj pab txais ntawd, thiab kom nej tsis muaj lus dab tsi nug thiab. Rue, kom npaj rau pob nyiaj pab lub teb chaws kev ua lag luam ntxiv nyob rau yav tom ntej, tib neeg yuav tsum ua li cas?

Rue Gumunyu ([00:42:43](#)):

Li ntawd. Kom npaj rau pob nyiaj pab lub teb chaws kev ua lag luam lwm zaus, kuv yeej los qhia cov tsev ua lag luam kom yeej meem soj qab teev nyiaj txiag. Pib siv QuickBooks, npaj nej daim ntawv spreadsheet hauv Excel, ua dab tsi uas phim nej kom soj qab teev txhua yam zoo. Ces thaum lawv tso pob nyiaj pab lub teb chaws kev ua lag luam tawm, nej twb npaj lawm. Nim no, hais txog pob nyiaj pab thib ob tuaj no, lawv hais tias tej zaum cov neeg uas tau kev pab thaum xub thawj yuav tau lus pom zoo rau kom tau kev pab thauv pob nyiaj pab thib ob. Tsis kav, lawv yuav hais kom saib cov ntawv teev nyiaj txiag ua tim khawv. Lawv kuj yuav nug nej saib nej lub lag luam tau mus zoo li cas txij thaum thawj thawj zaug nej tau txais cov nyiaj pab thiab thaum twg lawv yuav muab cov nyiaj pab thib ob rau nej. Nej puas tau rov qab ntiav cov neeg ua hauj lwm? Nej puas yuav tsum tau ntiav neeg ua hauj lwm tawm? Muab nej daim ntawv qhia kev tsam paj thiab kev poob nyiaj. Muab nej daim ntawv qhia kev tsam paj thiab kev poob nyiaj, nyob online kuv tau pom tej yam lawv yuav nug nej. Yog tias nej tsis teev nej cov ntawv nyiaj txiag tseg cia, nej yuav tsim tsis tau ib daim ntawv qhia kev tsam paj thiab kev poob nyiaj.

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Rue Gumunyu ([00:43:52](#)):

Kom paub tseeb hais tias nej soj qab teev tag nrho tej ntawd, ces thaum lawv tso pob nyiaj pab thib ob tawm, nej yuav muaj tag nrho tej ntaub ntawv nyiaj txiag tso ua ke. Pib tam sim no teev tseg rau hauv ntawv.

Danielle Marshall ([00:44:06](#)):

Ua tsaug ntau rau qhov ntawd. Nov yog qhov chaw nyob ntawm California Capital Women's Business Center (California Capital lub Koom Haum Pab cov Poj Niam Ua Lag Luam). Peb tsis muaj peev xwm pab nej hauv hoob kas ntxiv. Txawm yog li ntawd los, peb muaj webinar, tej kev sib ntsib hauv xov tooj thiab tej kev sib sab laj raws li tsim nyog nyob ntawm nej lub caij. Nov yog peb qhov chaw website, ces yog tias nej xav pom tej yam uas peb muaj xws li tej yam yuav tau los yog cov nyiaj uas txais tau rau nej los yog kev sab laj txog kev ua lag luam, thiab twb yog tej kev cob qhia uas muaj, nej nrhiav tau rau ntawm californiacapitalwomen'sbusinesscenter.org. Sophia, uas yog tus thawj coj rau lub Koom Haum Pab cov Poj Niam Ua Lag Luam, nov yog nws tus email yog tias nej xav tiv tauj kom tau nws. Yog tias nej xav nrog kuv los sis Rue tham, thov xa email tuaj rau kuv rau ntawm dmarshall@cacapital.org. Ib zaug ntxiv, peb xav teb cov lus nug uas nej xav nug txog nej txoj kev ua lag luam. Ces cia peb caw nej los nug peb dab tsi. Nov yog tej ntaub ntawv xov xwm xwb. sba.gov yuav yog tseem fwv teb chaws cov lus teb rau tej lus nug no. Yog tias muaj tej kev pab ntxiv uas nej siv tau, nej mus txuas rau sba.gov los tau Lub xeev California muaj lawv ib txoj kev tawm tsam phaum mob coronavirus es ib feem yog siv cov nyiaj pab los ntawm tseem fwv teb chaws ho ib feem yog ib co nyiaj pab los ntawm lub xeev.

Danielle Marshall ([00:45:30](#)):

Ces lub hoob kas rau tus tswj hwm nyiaj txiag muaj ntaub ntawv xov xwm ntxiv uas nej siv tau thiab. Kuv yuav tsum tsis tso qhov no tawm. Kuv paub hais tias qhov webinar no yog raug kaw thiab yuav muaj rau nej mloog lwm lub sij hawm thiab. Ua li, cia peb qhib kev rau nej nug txog tej yam nej xav paub txog.

Siew Yee ([00:45:54](#)):

Auj, Danielle.

Danielle Marshall ([00:45:56](#)):

Muaj dab tsi.

Siew Yee ([00:45:57](#)):

Muaj lus nug los ntawm lub npov Q&A. I'm going to read them to you.

Danielle Marshall ([00:46:02](#)):

Li ntawd.

Siew Yee ([00:46:04](#)):

Kuv xav tias Jill Western lo lus nug twb teb lawm, tiam sis muaj ... Nws twb tso ib lo lus nug ntxiv thiab. Nws hais tias nws tau tsim nyog txais \$2,111, nws zoo siab heev. Tiam sis puas tsim nyog nws rov qab muab cov nyiaj no rau lawv es cia siab tias nws mam li tau ib co nyiaj ntau dua los ntawm lwm qhov chaw? Kuv xav tias nws hais txog qhov nyiaj pab PPP.

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Danielle Marshall ([00:46:28](#)):

Li ntawd. Ua tsaug ntau Siew Yee. Yog tias koj xav muab cov nyiaj pab ntawv rov qab, koj yeej muaj cib fim ua li ntawd. Tiam sis lwm txoj kev pub pab nyiaj feem ntau tsis qhia meej meej hais tias saib puas yog koj yuav tsum siv lawv tej kev pab xwb los yog koj siv tau lawv qhov kev pab thiab lwm qhov tib si. Cov nyiaj pab no los ntawm tseem fww teb chaws los. Tej zaum koj yuav nrhiav tau lwm lub lag luam uas muab cov nyiaj pab pub, los yog tej zaum lub nroog, lub cheeb tsam, los yog lub xeev muaj cib fim rau koj. Yog tias koj xav tau cov nyiaj ntawd kom thiab yeej meem ua lag luam, kuv hais tias kom khaws cov nyiaj pab ntawd. Thaum kawg, koj yuav tsum txiav txim siab koj tus kheej. Txawm yog li ntawd los, koj tsis xav muaj qhov uas nej muab cov nyiaj pab ntawd rov qab es koj tseem tos ntev kom tau lwm lub cib fim txoj kev pab, los yog tsis muaj lwm lub cib fim uas pab tau koj. Yog tias koj muaj lus nug dab tsi txog ib qho chaw pab nyiaj twg, kuv zoo siab nrog koj tham offline. Tiam sis hais ncaj ncaj, tsis txhob muab cov nyiaj ntawd cov rov qab yog tias cov nyiaj ntawd yuav pab koj khiav hauj lwm ua lag luam raws li koj lub siab xav tsam koj tej kev cia siab kom tau ib co nyiaj pab loj dua tsis muaj ntxiv li thiab.

Siew Yee ([00:47:37](#)):

Li ntawd. Nws hais tias, yog tias yus txoj kev them nqi fais fab nqi roj tej yog aus taus mas tiv, puas tsim nyog hloov qhov kev them aus taus mas tiv mus rau qhov av khauj PPP. Kom tshem tawm ntawm qhov av khauj ntawd, raws li kuv xav.

Danielle Marshall ([00:47:49](#)):

Yog lauj. Lo lus nug ntawd zoo kawg, thiab yog los mas. Yog tias koj twb them nqi aus taus mas tiv, yeej yoog yim heev nrhiav tau hauv koj cov ntawv nyiaj txiag qub los ntawm koj lub tsev cia nyiaj. Tiam sis txuas ntxiv mus, yog los mas, yeej zoo heev uas muab hloov mus rau qhov av khauj rau qhov nyiaj pab PP ... Thov txim, qhov av khauj rau cov nyiaj pab PPP, kom paub tseeb hais tias cov nyiaj pab ntawd nyob nws nrug deb ntawm lwm cov nyiaj.

Siew Yee ([00:48:13](#)):

Li ntawd. Muaj dua ib los lus nug. "Kuv tau kuv qhov nyiaj pab PPP thaum lub Plaub Hlis Ntuj, 2020 thiab kuv tseem tos ntsoov daim ntawv thov kev zam los ntawm Wells Fargo. Puas yog kuv yuav tsum yeej meem tos los yog tib neeg puas ua cov ntawv thov kev zam ntawd lawm? Kuv puas nruam dab tsi?"

Danielle Marshall ([00:48:28](#)):

Nov yog ib lo lus nug zoo heev. Nov yog ib qho piv txwv zoo qhia hais tias tag nrho cov tsev txais nyiaj rau tib neeg yeej sib txawv txav. Wells Fargo tseem tsis tau qhib kev tau kev zam rau qhov nyiaj pab PPP. Txhua lub lis piam, lawv yuav xa, thaum koj sau npe nkag lawv qhov chaw online nyob ntawm ces kaum sab saum sab xis, muaj tej tshooj lus teev cia rau kev zam cov nyiaj pab txais tsis tas them rov qab. Tiam sis lawv tseem tsis tau qhib kev zam los ntawm Wells Fargo. Nov yuav yog ib lub sij hawm zoo kom npaj tej ntaub ntawv nyiaj txiag uas Rue hais txog hnuv no xwv kom thaum twg lawv qhib kev rau kev zam ntawd koj yuav yeem ua ntawv los tau sai.

Siew Yee ([00:49:09](#)):

Kuv xav hais tias cov lus nug uas muab sau rau hauv qhov Q&A tas li ntawd. Kuv tsis paub xyov nej cov neeg koom puas muaj lus dab tsi nug es sau rau hauv qhov chat box los yog qhov Q&A.

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Danielle Marshall ([00:49:20](#)):

Li ntawd. Kuv pom ib los lus nug uas nug hais tias saib tej kev sib ntsib sib sab laj no puas yuav muaj tom qab ua hauj lwm tag. Siew Yee yog tus thawj coj rau lub txheej xwm pab cov neeg ua hauj lwm loj hlob tuaj. Kuv puas hais yog, Siew Yee?

Siew Yee ([00:49:34](#)):

Tus saib xyuas lub txheej xwm txoj kev loj hlob tuaj.

Danielle Marshall ([00:49:35](#)):

Lub txheej xwm txoj kev loj hlob tuaj.

Siew Yee ([00:49:36](#)):

Tsis ua li cas.

Danielle Marshall ([00:49:39](#)):

Yog tias muaj webinar ntxiv uas peb yuav ua, nws mam li xa cov xov xwm ntawd tawm tuaj rau nej sawv daws. Peb los kuj zoo siab muab cov xov xwm no rau nej tom qab no thiab. Yog los mas, yog tias xav tau li ntawd. Tom ntej no mus Sofia thiab Siew Yee yuav xa xov xwm tuaj rau nej.

Siew Yee ([00:49:57](#)):

Yog los mas. Qhov webinar, thaum muab tso rau saum Internet, yuav muab tso rau hauv qhov folder rau txoj kev cob qhia cov neeg ua lag luam. Nej saib rau ntawm California Capital qhov chaw website, yuav nyob ntawd. Muaj lwm txoj kev cob qhia thiab. Tiam sis kuv yuav ntaus qhov chaw web hauv qhov chat box, thiab ua tib zoo muab cim kom nej nrhiav dua lwm zaus.

Danielle Marshall ([00:50:19](#)):

Li ntawd. Ua tsaug ntau rau qhov ntawd. Ces muaj ib tug nug hais tias, "Puas yog nej kaw qhov webinar no?" Yog, peb kaw. Muaj tseeb tiag, kuv zoo siab tshaj tawm hais tias dhau los ntawm Siew Yee thiab Sophia tej hauj lwm zoo, nkawd rau rau siab ua hauj lwm, es tej webinar no yuav muab txhais ua lwm yam lus nyob rau lub sij hawm tom ntej. Yog las mas, yuav muab kaw thiab nkawd xav kom paub tseeb hais tias tej ntaub ntawv xov xwm no yuav ncav tau neeg coob heev uas xav tau tej kev pab thiab tej ntaub ntawv xov xwm no.

Siew Yee ([00:50:54](#)):

Nov yog qhov txuas rau lub txheej xwm cob qhia cov neeg ua lag luam. Kuv xav tias thaum peb muab tso tawm hauv qhov website, peb mam li xa ib tsab email soj qab tuaj mus rau nej cov uas tau koom, xwv kom yog tias nej xav rov qab saib, nej yuav txuas tau.

Danielle Marshall ([00:51:09](#)):

Ua tsaug os. Puas muaj lus dab tsi nug ntxiv uas peb teb tau rau nej? Tsis ua li cas. Ua tsaug ntau, James. Sophia, puas muaj ntaub ntawv xov xwm ntxiv uas koj xav faib tawm?

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Sophia ([00:51:35](#)):

Tsis muaj os. Kuv xav hais ua tsaug rau nej, thiab rau Rue thiab Danielle rau neb lub sij hawm thiab rau qhov uas neb nthuav tswv yim thiab kev txawj rau peb tag kis no. Hais ua tsaug rau Siew Yee ib yam, nws ua hauj lwm sab nraud tsis pom tiam sis nws tau pab saib xyuas cov lus nug. Ua tsaug ntau rau peb pawg neeg ua hauj lwm no.

Danielle Marshall ([00:51:56](#)):

Ua tsaug os.

Siew Yee ([00:51:56](#)):

Abbie muaj-

Rue Gumunyu ([00:51:57](#)):

Ua tsaug os.

Siew Yee ([00:51:57](#)):

Abbie tau tsa nws txhais tes, nws txhais tes. Thov txim.

Danielle Marshall ([00:52:01](#)):

Li ntawd.

Siew Yee ([00:52:03](#)):

Nws tso suab puas tau los yog peb tso suab puas tau kom peb thiaj hnov tau nws lo lus nug?

Danielle Marshall ([00:52:07](#)):

Tau kawg. Li ntawd.

Abbie ([00:52:17](#)):

Nyob zoo.

Danielle Marshall ([00:52:18](#)):

Nyob zoo.

Abbie ([00:52:19](#)):

Koj puas [inaudible 00:52:20].

Danielle Marshall ([00:52:23](#)):

Nyob zoo. Koj hnov peb puas tau, Abbie?

Abbie ([00:52:26](#)):

Tau kawg, Kuv hnov tau nej tsam no. Nej hnov puas tau kuv?

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Danielle Marshall ([00:52:27](#)):

Hnov tau.

Abbie ([00:52:29](#)):

Zoo heev. Kuv lo lus nug yog li no hais tias, kuv pom tias rau qhov nyiaj pab PPE, kuv lub lag luam, kuv pib thaum lub Kaum Ib Hlis Ntuj xyoo 2019 thiab mus tom ntej. Kuv pom tias qhov nyiaj pab PPE, feem ntau yog rau xyoo 2019 xwb. Lawv puas yuav muaj dab tsi uas suav xyoo 2020, vim phaum mob no tseem raug rau peb tej kev ua lag luam thaum xyoo 2020 no thiab? Peb yuav ua li cas yeem ua ntawv thov nyiaj pab txais rau peb tam sim no, rau tej yam uas raug rau peb tam sim no?

Danielle Marshall ([00:52:59](#)):

Cov lus nug ntawd yeej zoo kawg. Rau qhov nyiaj pab PPP thiab EIDL, yog tias koj ua lag luam ua ntej tshooj lus teev cia lub Ob Hlis Ntuj hnuv tim 15 ntawd, koj yuav tsim nyog txais kev pab los ntawm ob peb lub txheej xwm no. Rau EIDL, lawv yuav saib koj keeb kwm ua lag luam zoo li cas ua ntej no. Tej zaum saib koj cov ntawv them se rau xyoo 2019, kom paub tseeb hais tias koj khwv tau nyiaj tsam paj tiag tiag. Feem ntau ua lag ua luam, muaj ntau yam uas peb muab luv tawm. Tseem fwv tsuas xav paub tseeb hais tias koj tsis tau ua lag luam poob nyiaj vim yuav tsum muaj kev rov qab them cov nyiaj pab txais ntawd yog tias, piv txwv qhov nyiaj pab PPP, zam tsis tau los yog EIDL zam tsis tau nyob rau lub sij hawm 30 xyoo. Yeej muaj lwm lub cib fim thiab. Ib yam li Rue hais, nyob nyob, peb yuav tau lus qhia ntxiv hais txog qhov nyiaj pab PPP thiab lwm txoj kev txais nyiaj pab. Tiam sis qhov zoo yog lub xeev California muaj lwm lub txheej xwm uas koj tsim nyog txais thiab. Lub nroog Sacramento muaj ib co nyiaj txais tau rau neeg ua lag luam thiab uas zam tau uas kuv paub tias lawv tab tom npaj muab rau cov neeg ua lag luam uas xav tau. Tsis tas li ntawd xwb, California Capital muaj ib qho kev txais nyiaj me me rau tib neeg (micro lending program).

Danielle Marshall ([00:54:14](#)):

Sophia hais txog ob peb lub txheej xwm no tiam sis nyob tom lub hoob kas lawv yuav nrog koj sib tham tau txog cov nyiaj pab thiab yuav pab koj nrhiav tau cov nyiaj uas xav tau kom yeej meem ua lag luam tom ntej mus.

Abbie ([00:54:25](#)):

Li ntawd. Puas tau ... Kuv twb pom tau hais tias nej tau muab neb qhov email tso tawm thiab nej lub koom haum, nej tsis qhib, tiam sis nej tseem teem caij sib ntsib ib leeg rau ib leeg los.

Danielle Marshall ([00:54:41](#)):

Yog los mas, peb tseem teem li ntawd. Kav tsij email tuaj thiab peb yuav zoo siab teem caij nrog koj thiab nrhiav kev ua qhov zoo tshaj plaws rau koj mus lawm tom ntej.

Abbie ([00:54:51](#)):

Li ntawd. Ua tsaug os.

Danielle Marshall ([00:54:53](#)):

Tsis ua li cas.



**PPP Piv rau EIDL**  
**Yog Danielle Marshall thiab Rue Gumunyu Hais Txog**

Siew Yee ([00:55:02](#)):

Puas muaj lwm lo lus nug dab tsi? Yog tias nej lub lag luam nyob hauv lub cheeb tsam Placer County, kuv xav hais tias lawv nyuam qhuav tso tawm ib lub txheej xwm nyiaj pub pab rau cov lag luam me thiab cov koom haum uas tsis tsam paj. Kuv xav tias lawv tso tawm hnuv no los yog lub lis piam no, thiab daim ntawv thov kom tau yuav muaj mus dhau lub Cuaj Hlis Ntuj. Yog tias nej xav tau ntaub ntawv xov xwm dab tsi txog qhov no, thov email tuaj rau peb thiab.

Danielle Marshall ([00:55:26](#)):

Yog los mas. Thov to taub hais tias, thaum twg ib lub cheeb tsam los yog ib lub nroog twg muab ntawv tshaj tawm hais txog cov nyiaj pab ntawv, qhov uas yus txais tau nyob ntawm saib muaj nyiaj pab ntau npaum li cas. Txawm hais tias lub txheej xwm hais tias yuav muaj mus dhau lub Cuaj Hlis Ntuj, thaum cov nyiaj pab ntawd tag, ces tag nrho tiag. Yog tias nej yuav yeem ua ntawv thov kom tau tej ntawd, nej yuav xav ua ntawv sai li sai tau. Muaj ib zaug lub US Chamber of Commerce yuav muab nyiaj pub pab \$5,000 rau tib neeg. Raws li lub tswv yim lawv npaj kom lub txheej xwm no kav 30 hnuv, tiam sis ua ntej 24 mus rau 48 teev, tib neeg tmuab tau tag nrho cov nyiaj pub pab ntawd. Yog tias nej txiav txim siab yeem ua ntawv kom tau cov nyiaj pab ntawd, ua tib zoo ua ntawv yim sai yim zoo. Yog tias nej nyob hauv lub cheeb tsam Sacramento loj, muaj ob peb qho kev pab nyiaj pub uas kuv yuav qhia tau nej txog offline. Tsis tas li ntawd xwb, yog tias nej nyob hauv lub cheeb tsam Bay Area, ze rau lub hav Silicon Valley, yeej muaj tej kev pab ntau heev nyob ntawd. Vim tej yam ntau uas muaj los muaj tej qhov chaw ua hauj lwm uas khoom lawm tsis muaj leej twg siv.

Danielle Marshall ([00:56:42](#)):

Yeej muaj lwm lub cib fim uas kuv zoo siab qhia rau nej offline thiab.

Siew Yee ([00:56:46](#)):

Kuv tau sau rau hauv chat box ib qho link txuas rau qhov chaw WBC es nyob ntawd nej mam li sau npe koom. Thaum nej sau npe koom, nej yuav tsum tsim ib qho av khauj nyob haud thiab ntaus nej cov ntaub ntawv xov xwm rau haud. Thaum peb txais tau nej cov ntaub ntawv xov xwm, peb mam li muab ib tug pab tswv yim nrog nej ua hauj lwm pab nej. Cov pab tswv yim no yuav muaj Danielle Marshall thiab lwm tus neeg uas ua hauj lwm nrog peb.

Sophia ([00:57:07](#)):

Siew Yee, kuv xav tias qhov link uas sau rau ntawd yog rau lub txheej xwm cob qhia cov neeg ua lag luam. Kuv mam li ntawv qhov link uas koj hais txog ntawd, uas yog qhov uas nej mam li sau npe koom kom tau kev pab tswv yim dhau los ntawm lub WBC.

Siew Yee ([00:57:25](#)):

Thov txim. Thov txim. Kuv xav tias tau text hais txog ... Yog, kuv tsis nco qab hais tias kuv tau ua li ntawd. Thov txim.

Sophia ([00:57:36](#)):

Txhob txhawj. Kuv ntawv rau tam sim no. Tau kawg. Qhov tsawg kawg nkaus nej muaj ob yam nej ua tau. Yog tias nej xav saib cov webinar yav tas los, muaj ntau qhov nyob ntawm qhov link uas Siew Yee muab rau nej ntawd. Tej zaum nws twb hais txog lawm. Yog tias nej muaj phooj ywg los yog khub ua hauj lwm

**PPP Piv rau EIDL**  
**Yog Danielle Marshall thiab Rue Gumunyu Hais Txog**

uas txaus siab kawm txog txoj kev ua lag luam, tej no muaj ua ob peb yam lus thiab. Ua lus Mev, [hnov tsis tau tseeb 00:58:05], lus Suav. Tej zaum nruam ib yam lus. Kuv puas nruam ib yam lus, Siew Yee?

Siew Yee ([00:58:11](#)):

Lus Nyab Laj.

Sophia ([00:58:12](#)):

Thiab lus Nyab Laj. Yog los mas. Yeej muaj tej kev qhia workshop sib txawv uas twb muab kaw lawm thiab. Yog tias nej xav mloog ib zaj dua ib zaug ntxiv tom qab no, cia li xyuas peb qhov website ob peb lis piam saum no. Tej zaum peb yuav muaj zaj no saum peb qhov website thiab, kuj ua ob peb yam lus yog tias nej xav muab cov ntaub ntawv xov xwm no faib rau lwm tus neeg los yog rov qab mloog dua ib zaug ntxiv.

Danielle Marshall ([00:58:44](#)):

Ua tsaug ntau.

Sophia ([00:58:44](#)):

Li ntawd xwb rau lub sij hawm no. Puas muaj lwm los lus dab tsi nug? Tej zaum hais li ntawd xwb, nej sawv daws. Peb muaj sij hawm uas peb lam nyob, tiam sis kuv xav yaum kom nej hais lus. Yog tias nej muaj lus dab tsi nug, tam sim no yog lub sij hawm zoo.

Siew Yee ([00:58:58](#)):

Tej zaum koj yuav tsum tso suab.

Sophia ([00:59:03](#)):

Zoo kawg. Muaj ib tug tsa tes tsis sub. Tsis muaj los-

Abbie ([00:59:07](#)):

Thov txim. Yog kuv dua ib zaug. Yog Abbie.

Sophia ([00:59:08](#)):

Tsis ua li cas, tsis tas thov txim.

Abbie ([00:59:09](#)):

Kuv tsuas-

Sophia ([00:59:09](#)):

Tsis txhob thov txim.

Abbie ([00:59:11](#)):

Kuv tsuas xav paub hais tias, peb puas sib ntsib tau ua ib pawg neeg vim kuv lub lag luam muaj khub nrog kuv ua tswv rau lub lag luam? Peb puas sib ntsib tau ua ib pawg neeg los yog yuav tsum yog kuv ib leeg xwb?

**PPP Piv rau EIDL**  
**Yog Danielle Marshall thiab Rue Gumunyu Hais Txog**

Danielle Marshall ([00:59:27](#)):

Tsis yog. Peb sib ntsib ua ib pawg neeg los tau, tau kawg. Peb ua li ntawd ntau zaus. Yog tias muaj ntau tshaj ib tug neeg uas tseem ceeb heev rau txoj kev sib sab laj, ces peb yeej npaj rau qhov ntawd los tau.

Abbie ([00:59:38](#)):

Zoo heev. Li ntawd. Ua tsaug os.

Danielle Marshall ([00:59:42](#)):

Ua tsaug os. Li ntawd. Yog li ntawd, cia siab hais tias sawv daws tau ntaub ntawv xov xwm, qhov tsawg kawg nkaus tej yam me me uas nej xav tau hnuv no. Ib zaug ntxiv, yog tias nej xav tau ntaub ntawv xov xwm ntxiv, thov tiv tauj kom tau peb. Peb zoo siab muab ntaub ntawv xov xwm thiab kev pab ntxiv rau nej kom nej thiaj ntxeem kom dhau tau phaum mob no, thiab tej kev kub hnyiab no, thiab. Qhov txuas ntxiv yog tias nej nyob no hauv ... Tsis yog, tiag tiag, twb yog lub xeev California tam sim no, thiab yog tias nej lub lag luam raug xwm txheej vim yog qhov uas cov pej xeeb pab thuab, es txhais tias nej yuav tsum kaw vim yog tej yam uas muaj los, twb yog thaum muaj lub teb chaws cov tub rog tuaj pab los yog tej ntawd, yeej muaj nyiaj tshwj tseg cia kom pab kho nej tej lag luam kom zoo tag nrho. Piv txwv hais tias muaj laib thas xim los yog ua li cas rau nej lub lag luam, los yog nej yuav tsum kaw vim yog muaj xwm txheej loj, muaj ntaub ntawv xov xwm thiab kev pab ntxiv rau nej thiab nej lub lag luam.

Danielle Marshall ([01:01:10](#)):

Li ntawd. Sophia, puas muaj dab tsi ntxiv?

Sophia ([01:01:15](#)):

Tsis muaj, Danielle.

Danielle Marshall ([01:01:17](#)):

Li ntawd. Yog li ntawd, ua nej sawv daws tsaug, Sophia, Siew Yee, thiab Rue. Yeej zoo sib tham thiab ua tsaug rau nej sawv daws uas tau koom peb thiab siv sij hawm nrog peb tag kis no. Peb paub hais tias nej lub sij hawm muaj nqis heev, thiab peb ris nej txiaj uas nej nrog peb sib ntsib tag kis no. Nyob zoo, es peb mam li nrog nej sib tham dua lwm zaus.

Sophia ([01:01:36](#)):

Zoo kawg. Ua tsaug ntau sawv daws.

Rue Gumunyu ([01:01:38](#)):

Ua tsaug ntau sawv daws. Sib ntsib dua.

Siew Yee ([01:01:38](#)):

Ua tsaug ntau sawv daws.

Danielle Marshall ([01:01:40](#)):

Sib ntsib dua.

**PPP Piv rau EIDL  
Yog Danielle Marshall thiab Rue Gumunyu Hais Txog**

Siew Yee ([01:01:42](#)):

Sib ntsib.